

**U ovom izdanju**

**Projekti**

- Infrastrukturni projekti  
TREIN – mreža poduzetništva i inovacija  
Travnik, **Str. 2-3**
- Infrastrukturni projekti  
Uvođenje sistema upravljanja... **Str. 4-5**
- Infrastrukturni projekti  
Staza ster pruge **Str. 6**

**Saradnja s programom USAID WHAM "Razvoj radne snage i veći pristup tržištima"**

- Kompletni projekt "Razvoj radne snage u SBK/KSB", **Str. 7**
- Potpisan ugovor za implementaciju projekta "Razvoj radne snage u regiji Centralna BiH", **Str. 7**

**Razno**

- Dvadesetpeti broj Biltena REZ Agencije, **Str. 8**

## ZAVRŠENA IMPLEMENTACIJA PROJEKTA

**TREIN**  
MREŽA PODUZETNIŠTVA  
I INOVACIJA TRAVNIK



- U Travniku su održani II BeeZone Sajam ideja i Finalna konferencija projekta "TREIN – Mreža poduzetništva i inovacija Travnik"

Projekt "TREIN" je imao za cilj da kroz sinergiju javnog, civilnog, privatnog i obrazovnog sektora **kreira dinamično i podsticajno okruženje** za otvaranje i rast novih preduzeća u atraktivnim i brzo rastućim sektorima na području općine Travnik i Srednjobosanskog Kantona/Kantona Središnja Bosna.

U cilju realizacije poduzetničkih ideja educirano je 58 mladih nezaposlenih ljudi do 35 godina starosti od ukupno 88 prijavljenih na dva javna poziva. Nakon dvomjesečne poduzetničke obuke, stručna komisija je odabrala najboljih 20 biznis planova, koji su u smislu ostvarivosti, održivosti, konkurentnosti na tržištu rada i potencijala za rast i otvaranje novih radnih mjesta dobili priliku za realizaciju poslovnih ideja.

Mladi poduzetnici su pored finansijske podrške u iznosu od po 10.865 KM, kroz biznis inkubator BeeZone, dobili i savjetodavnu odnosno mentorsku podršku tokom prve godine djelovanja, kako bi se mogli nositi sa svim zahtjevima tržišta. Također su imali priliku da prezentuju svoj ideje na II BeeZone Sajmu ideja u okviru kojeg je održana i finalna konferencija projekta.

Projekt TREIN- Mreža poduzetništva i inovacija Travnik" (eng. TREIN = TRavnik Entrepreneurship and Innovation Network) je implementiralo **Lokalno partnerstvo za razvoj poduzetništva Travnik** kojega čine: Općina Travnik – vodeći partner, REZ Agencija (Regionalna razvojna agencija za regiju Centralna BiH), Služba za zapošljavanje SBK/KSB, NVO Centar za edukaciju mladih CEM Travnik, Sveučilište/ Univerzitet "Vitez" u Travniku i Nobil d.o.o. Nova Bila.



**Lokalno partnerstvo za razvoj poduzetništva Travnik** je jedno od partnerstava kreiranih u okviru projekta „EU4Business – za konkurentnu i inovativnu domaću ekonomiju“ koji finansira Evropska unija u BiH a realiziraju GIZ, UNDP i ILO.



Centar za  
edukaciju  
mladih



**Nobil**






Najbolje ocijenjene  
biznis ideje



1. **CONIC SOLUTIONS** - Albin Gaši
2. **RANČ ČURAK** - Amra Čurak
3. **VC SMARAGD d.o.o** Travnik - Emir i Amela Hadžijusufović
4. **ZLATNA JUFKA** - Halil Mršić
5. **OR OBIMO** proizvodnja i ugradnja komarnika - Ivana Matošević
6. **INFINITY DEV** - Jasmin Muslimović
7. **SELFIE MUSEUM** - Merima Habibović
8. **STAGE CODING** - Mersad Husić
9. **NEW EXPERIENCE** - Oliver Jović
10. **MJESTO SUSRETA** - Amila Ferušić Korkut
11. **Održavanje dvorišta JURIC** - Danijel i Kristijan Jurić
12. **PO SLIJEDI DOMAĆE** - Marko i Dragana Šešić-Janković
13. **TO SUMENKO** - Sumeja Hadžijunuzović i Alma Grahić
14. **STUDIO DIN d.o.o** - Mirsada Fuško
15. **MALI PROGRAMER** - Abdulah i Lamija Fajkić
16. **BODY AND BEAUTY LOUNGE** – Sanela Kurtešević
17. **Fotografski obrt 3GO** - Hazim Terzić
18. **Barber studio JUST CUT IT** - Ismar Dautović
19. **PC LAB** - Tarik Balić
20. **NAŠE TRADICIONALNO BLAGO** - Alem Adilović



Mladi poduzetnici su, pored finansijske podrške u iznosu od po 10.865 KM, kroz biznis inkubator BeeZone, dobili i savjetodavnu, odnosno mentorsku podršku tokom prve godine djelovanja, kako bi se mogli nositi sa svim zahtjevima tržišta. Urađen je i vrhunski video promotivni materijal za 10 biznisa.



Završen projekt  
**UVOĐENJE SISTEMA UPRAVLJANJA  
 ZA TOKOVE POSEBNIH KATEGORIJA  
 OTPADA U DVA KANTONA  
 U BOSNI I HERCEGOVINI**



Studijsko putovanje – posjeta gradovima Prelog i Velika Gorica, Republika Hrvatska

Studijsko putovanje organizirano s ciljem primjene dobrih praksi zemalja iz okruženja u jedinicama lokalne samouprave koje učestvuju u projektu: grad Zenica, općine Tešanj, Žepče, Busovača i Travnik.

Učesnici studijskog putovanja su imali priliku sresti se i razgovarati sa predstavnicima gradske uprave i komunalnih preduzeća gradova **Prelog** i **Velika Gorica** vezano za zbrinjavanje posebnih kategorija otpada i čuti njihova iskustva, običi reciklažni centar i kompostanu u Prelogu, odlagalište neopasnog otpada i reciklažno dvorište u Velikoj Gorici, te posjetiti kompaniju **“Tehnix”** iz Donjeg Kraljevca, koja je vodeći proizvođač opreme za zaštitu okoliša i građevina za gospodarenje otpadom, te kompaniju **“Kova”** iz Mraclina, koja proizvodi opremu za gospodarenje otpadom i drugu komunalnu opremu.



Otvorena reciklažna dvorišta i nabavljena oprema



Povodom obilježavanja Svjetskog dana zaštite okoliša, puštena su u funkciju **reciklažna dvorišta** za sakupljanje posebnih kategorija otpada: ambalažni otpad, električni i elektronski otpad, stare automobilske gume prečnika do 820 mm, medicinski otpad iz domaćinstava (tablete i sirupi), akumulatori i baterije, otpadna ulja.

Nabavljeni su namjenski kontejneri za sakupljanje gore navedenih vrsta otpada i uređene lokacije za njihovu postavljanje.



Urađeni dokumenti Poslovni slučaj, Poslovni model i katalog "Kako sa otpadom?"



Takmičenje osnovnih škola u prikupljanju otpada



U takmičenju su mogle sudjelovati osnovne škole iz jedinica lokalne samouprave koje su uključene u projekt: Grad Zenica i općine Busovača, Tešanj, Travnik i Žepče.

**Djeca su jedna od ciljnih grupa projekta**, a takmičenje je organizirano kako bi djeca naučila prepoznavati određene vrste posebnih kategorija otpada i odlagati ga na ispravan način i na za to predviđena mjesta.



Završen projekt  
**UVOĐENJE SISTEMA UPRAVLJANJA  
 ZA TOKOVE POSEBNIH KATEGORIJA  
 OTPADA U DVA KANTONA  
 U BOSNI I HERCEGOVINI**

najznačajnije aktivnosti



Organizirane Ulične kampanje u pet jedinica lokalne samouprave



S ciljem informiranja građana da su od juna 2020. godine u funkciji reciklažna dvorišta u gradu Zenica i općinama Busovača, Travnik, Žepče i Tešanj, te da svoj otpad iz domaćinstava kao što su ambalažni otpad, otpadna ulja, otpadne baterije i akumulatori, otpadne gume, električni i elektronički otpad i medicinski otpad (tablete i sirupi čiji je rok upotrebe istekao) mogu predati u reciklažna dvorišta, organizirane su **ulične kampanje** u ovim jedinicama lokalne samouprave.

Ulične kampanje provedene su u dva ciklusa, prvi od decembra 2020. godine do marta 2021. godine i drugi, od aprila 2021. godine do juna 2021. godine. Građani su zamoljeni da popune anketni upitnik kako bi se saznala mišljenja i informiranost građana o načinu postupanja sa komunalnim otpadom, sa fokusom na posebne kategorije otpada.

Održani Okrugli stolovi u Zenici i Travniku

Za javna komunalna preduzeća i lokalne zajednice iz ZDK i SBK/KSB u Zenici i Travniku je organiziran Okrugli stol na temu "Pravilno postupanje sa posebnim kategorijama otpada – izazov današnjice".

Prisutnima je prezentiran Poslovni model za sistem upravljanja PKO, kao i dokument "Poslovni slučaj za odvojeno sakupljanje šest kategorija posebnog otpada u pet pilot JLS.



Urađena analiza rezultata Ankete o informiranosti građana o načinu sakupljanja posebnih kategorija otpada

		Lokacija* Način prikupljanja		Način prikupljanja				Total
		Ulična kampanja	Internet	Direktno anketiranje	Naplatno mjesto ALBA			
Lokacija	Zenica	Count	127	156	400	70	753	
	% within Lokacija		16.8%	20.7%	53.1%	9.3%	100.0%	
Travnik	Count		126	45	75	0	248	
	% within Lokacija		51.2%	18.3%	30.5%	0%	100.0%	
Busovača	Count		130	95	75	0	299	
	% within Lokacija		44.8%	29.3%	25.9%	0%	100.0%	
Žepče	Count		114	64	75	0	253	
	% within Lokacija		45.1%	25.3%	29.6%	0%	100.0%	
Tešanj	Count		170	46	75	0	291	
	% within Lokacija		58.4%	15.8%	25.8%	0%	100.0%	
Total	Count		667	396	700	70	1833	
	% within Lokacija		36.4%	21.6%	38.2%	3.8%	100.0%	

Anketa je provedena uz korištenje slijedećih metoda prikupljanja podataka: 1. Kroz ulične kampanje (štandovi na odabranim lokacijama općina uključenih u projekt); 2. Direktno anketiranje (dolazak anketara na vrata ispitanika); 3. Na naplatnim mjestima preduzeća ALBA Zenica i 4. Putem Interneta (popunjavanjem i podnošenjem kompletiranih obrazaca on-line).

Rezultati svih gore navedenih načina prikupljanja podataka (za **ukupno 1833 ispitanika**) objedinjeni su i digitalizirani u SPSS Statističkom paketu za analizu podataka. Korišteni metod analize je "Descriptive Statistics – Frequencies" i "Descriptive Statistics – Crosstabulation", uglavnom urađena u prema Lokaciji (mjestu stanovanja) ispitanika.

Radna grupa projekta

Na početku projekta formirana je Radna grupa za praćenje i koordinaciju aktivnosti projekta.

Ukupno je održano sedam sastanaka Radne grupe, koju su činili: predstavnici Grada Zenica, općina Tešanj, Žepče, Busovača i Travnik, predstavnici JKP „Rad“ Tešanj, JKP „Komunalno“ Žepče, JKP „Bašbunar“ Travnik, JKP „Komunalac“ Busovača, KP Alba Zenica, predstavnici Federalnog ministarstva okoliša i turizma, Ministarstva za prostorno uređenje, promet i komunikacije i zaštitu okoline ZDK, Ministarstva prostornog uređenja, građenja, zaštite okoliša, povratka i stambenih poslova SBK/KSB, federalni i kantonalni inspektori za okoliš, kao i predstavnici GIZ-a, ALBA Zenica i REZ Agencije.



### Održani seminari "Budi BIKE FRIENDLY"



- U okviru projekta održana su dva seminara za mikro, mala i srednja preduzeća iz sektora turizma i srodnim sektorima

Seminari su održani u junu 2021. godine, i to u Vitezu i Donjem Vakufu.

Učesnici su bili mikro, mala i srednja preduzeća iz sektora turizma, uključujući pružaocce smještaja, usluga hrane i pića i seoska domaćinstva, kao i javna preduzeća nadležna za upravljanjem kulturnim i prirodnim atrakcijama

(muzeji, vjerski objekti, zaštićena područja prirode, i sl.), te iz sektora specijalizirane trgovine biciklističke opreme i trgovine sportske opreme.

Na seminaru su prezentirane mogućnosti uvođenja certifikata, pogodnosti i način sticanja **BIKE FRIENDLY** certifikata.

Projektom „Staza stare pruge“ pravi se novi proizvodi u turizmu na otvorenom i proširuje ponuda omogućavajući duži boravak turistima koji posjete srednju Bosnu tokom ljetnih mjeseci.



### Trasom stare željezničke pruge od Jajca do Busovače...

- REZ Agencija i Turistička zajednica SBK projektom "Staza stare pruge" nastoje stvoriti pretpostavku za dalji razvoj cikloturizma na području Srednje Bosne

Stoga je održan sastanak sa načelnicima pet Općina učesnica u projektu "Staza stare pruge" na kojem je dogovorena saradnja za održavanje i daljnje unapređenje trasa biciklističke staze.

Trenutno se izvode **nužni građevinski radovi** u okviru raspoloživog budžeta kako bi se dionica trase stare uskotračne pruge uvezala u jednu cjelinu i osigurala mogućnost korištenja ove dionice za bicikliste.

Riječ je o projektu u okviru kojeg će se starom željezničkom prugom od Jajca do Busovače uspostaviti trasa biciklističke staze koja će u kombinaciji sa turističkim



razgledanjem ruralnih područja, kulturno-historijskom baštinom i prirodnom ljepotama, gastronomijom i smještajno-ugostiteljskim kapacitetima, te poslovnim umrežavanjem učesnika u 'bike friendly' sistem kao i digitaliziranjem njihovih ponuda, na području Srednje Bosne ponuditi kao novi turistički proizvodi za turiste u okviru outdoor turizma.

Financijske potrebe samih građevinskih radova za potpuni završetak biciklističke staze znatno su veće od trenutnih sredstava s kojima projekt raspolaže.

Kako ističu nositelji projekta, pored ulaganja u prvoj fazi u nužne infrastrukturne radove predviđeno je i uvođenje "Bike friendly" sistema na upravljanjem turističkim proizvodom u

smislu web stranice i mobilne aplikacije, postavljanje pet odmorišta i pet "pametnih" klupa sa sistemom za promociju i manji popravak bicikala kao i punjenje električnih bicikala, obilježavanje biciklističkom signalizacijom cijele trase biciklističke staze, izradu storytelling vodiča, promotivnih materijala te promocija i marketing cikloturizma kao i same biciklističke staze.

Kroz projekt će se dodatno unaprijediti turistička ponuda za duži boravak i omasovljenje posjetitelja u okviru turizma na otvorenom na području Travnik, Viteza, Donjeg Vakufa, Busovače i Jajca. Za projekt "Staza stare pruge", Europska unija je izdvojila više od 190.000 eura bespovratnih sredstava u okviru programa **EU4Business**.





## Kompletiran projekt "Razvoj radne snage u SBK/KSB"

### U Travniku je 23.06.2021. godine održana završna konferencija projekta

Projekt je finansirala Američka agencija za međunarodni razvoj – USAID kroz program "Razvoja radne snage i većeg pristupa tržištima" (WHAM) i Ministarstvo privrede SBK, a implementirala Regionalna razvojna agencija za regiju Centralna BiH – REZ.

Ovaj projekt je podržao kompanije iz SBK/KSB u organizaciji obuka postojeće i nove radne snage kako bi se kvalitetno i blagovremeno odgovorilo na zahtjeve tržišta.

Projekt „Razvoj radne snage u SBK/KSB“ je unaprijedio kapacitete malih i srednji preduzeća, brzo-rastućih, izvoznika i spremnih za izvoz iz sektora metalne, drvne i tekstilne industrije. Obuke su organizirane u skladu sa iskazanim potrebama svake kompanije i većinom u radnim prostorima kompanija. Pored vlastitih, kompanije su koristile i vanjske kapacitete angažirajući provjerene i specijalizirane organizacije za pružanje usluga obuke radne snage.

Ukupno je 6 kompanija iz SBK/KSB podržano kroz zajednički projekt "Razvoj radne snage u SBK/KSB" u ukupnom iznosu od 104.889 KM.

Realizacijom aktivnosti u projektu su ostvareni sljedeći rezultati:

- Broj realiziranih obuka: 13 (CNC operateri, operateri na viševretenim automatima, procesni kontrolori, zavarivači, tapetari, krojači)
- Broj obučeni radnika: 58
- Broj novozaposlenih radnika: 22



## Potpisan ugovor za implementaciju projekta "Razvoj radne snage u regiji Centralna BiH"

U okviru aktivnosti vezanih za razvoj radne snage, REZ Agencija i USAID WHAM potpisali su ugovor za realizaciju projekta "Razvoj radne snage u regiji Centralna BiH", čiji je glavni fokus razvoj radne snage u malim i srednjim preduzećima u Regiji Centralna BiH.

REZ Agencija upravlja projektom koordinirajući aktivnosti na razvoj radne snage u odabranim preduzećima. Aktivnosti uključuju organizaciju obuke postojeće i nove radne snage kako bi se kvalitetno i pravovremeno odgovorilo na zahtjeve tržišta.

Ukupna vrijednost projekta je 106.538,40 KM, iznos granta je 78.114,40 KM, a sufinansiranje aplikanta i preduzeća 28.414,00 KM. Uspješnim provođenjem projektnih aktivnosti planirana je obuka 41 zaposlene osobe i 11 novih radnika.



